

[m4ra] *Hoe coninck Kaerle van Galyen ende van die scoone Guimande ghesceyden es ende wederomme na den Ronchevale ghereyst.*

[59]

Coninck Kaerle bleef acht dagen te Monsureyn na dat hi Galien ende die schoone Guymande gecroont hadde, ende op den neghensten dach es hy van Montsureyn ghesceyden ende na den Ronchevale ghereyst, met hem leydende den escuyr Thierrion, [m4rb] want die besceet wyste vander verraderien van Gouwelon. Ende te Montsureyn bi Galien bleven Gheeraert van Viennen, Aernout van Bellande, Savary, Bennes ende Aymery. Dese voernoemde vijf rydders bleven den gheheelen winter neven Galyen tot inden somer, ghelijck ghi hooren sult.